

Sehlabelo seo se fišwago se laetša maikemišetšo go Modimo

Thero mo Lefitiko 1

Palo ya Beibele: Lefitiko 1:1-17 & 1 Samuele 2:12-17

Temanathero: Lefitiko 1

Tabataba: Sehlabelo seo se fišwago se laetša maikemišetšo go Modimo

Ge o tloga o itokišetša leeto go ya nageng ya kgole mo batho ba boelago polelo e šele, gomme o tlile go dula mo ngwakong wa bona, o sa hlaloganye ka mo batho bao ba boelago ka gona, o sa hlaloganye le lentšu le tee. Le ge go le bjalo ka matšatši a se ma kae o tlile go bona gore batho ba ke Bakriste goba aowa. Yo mongwe a ka thoma go bona gore ba rapela goba ga ba rapele, le ge e ka ba polelo e šele, lefaseng ka moka thapelo ga e fetoge. Go moKriste yo mongwe le yo mongwe thapelo ke setlwaedi mo letšatšing.

Bjale ke nyaka gore re lebelele mo nakong e fetilego go isa nakong ya Testamente ya kgale. Ge balsiraele ba etla Jerusalema matšatšing ao ba be ba bona muši o mogolo godimo ga motse letšatši le letšatši. Muši o o be o tlišwa ke go fišwa ga diphoofolo tša sehlabelo mo tempeleng. Ga se gore ke kotsi ge Beibele e bapetša muši le thapelo ya Balsiraele go Modimo yo a phelago. Thapelo e laetša gore go na le poledišano magareng ga batho ba mo lefaseng le Modimo wa magodimong. A seo se ka kgonega bjang? Testamente ya kgale e re ruta gore ye e be e le yona tsela ye e kgonegago gobane madi a diphoofolo a be a tšhollwa letšatši le letšatši. Letšatši le lengwe le le lengwe diphoofolo di be di hlabiwa ka mo tempeleng. Se e be e le sešupo sa go laetša gore madi a batho ba Modimo a swanetše go tšhologa, ba swanetše go hwa, gobane ba hlanogetše Modimo, le ka lebaka la dibe tša bona. Le ga go le bjalo Modimo o amogetše madi a diphoofolo sebakeng sa se sengwe. Re lebogela phetogo ye, Modimo o ile a theetša dithapelo tša batho ba gagwe. Ge mo Isiraele a bona muši godimo ga tempele, o be a gopola kgaugelo ya Modimo. Muši e be e le leswao la kgonagalo ya poledišano magareng ga legodimo le lefase. Muši e be e le leswao la dithapelo tša batho.

Bjalo ka ge ke boletše, ka lebaka la dihlabelo tša diphoofolo, madi a mantši a be a tšhollwa tempeleng. Puku ya Lefitiko e bolela ka mehuta ye mentši ya dihlabelo. Ka lebaka leo re ka humana lentšu le 'madi' gantši mo pukung ye. Madi e be e le bokagare bja go rapela Modimo ka tabernakeleng le ka tempeleng. Go rapela Modimo Testamenteng ya kgale motho a ka e akaretša ka gore: letšatši le letšatši, beke le beke, ngwaga le ngwaga ka tumišo ye e be e agilwe godimo ga dihlabelo tša diphoofolo le go tšhollwa ga madi. Bjale ka ge Modimo mo mathomong a puku ye, mo Lefitiko 1:5, o ile a fa baperisita ditaelo: Barwa ba Arone, baperisita ba tlo tliša madi gomme ba agasa mo tempeleng le mathoko ohle go tsena tempeleng lefelo bja bohlakanelo.

Ana o be o lemoga gore ka mehla gore noka ya madi e be e tšhollwa go tšwa tempeleng yeo e agilwego mo Tsione go fihla lebopong la Kidrone? Ke nnete! Letšatši le letšatši go tloga ka masa go fihla ge letšatši le dikela makgolo a dilitara tša madi di be di tšhollwa go tšwa tempeleng. E be e le ka nnete noka ya madi. Noka ye ya madi e edile mengwaga ngwaga, go fihlela e emiša ke Modimo ka boyena. Gobane ge re bala mo Testamenteng e mpsha, madi a Morwa moratwa wa gagwe Jesu Kriste, ao a tšhollotšwego sefapanong, a phomotše noka ye ya madi a diphoofolo. Ka morago ga ge madi a Kriste a tšhollotšwe go tloša dibe tša rena, ga go phoofolo yeo e hlabilego di be di sena mohola bjale. Go be go sa hlokege tšhollo ya madi a phoofolo.

Ga re boele gape mo Lefitiko, nakong ya Testamente ya kgale, go be go sa hlokega gore go hlabiwe diphoofolo. Ge o bala mo Lefitiko kgaolo ya mathomo go fihla go ya bo šupa, o tlile go hwetša dihlabelo tšeo di fapanego: dihlabelo tša go fišwa, dihlabelo tša korone, dihlabelo tša go leboga goba tša go phuthegela mmogo, dihlabelo tša dibe, le dihlabelo tša go ipona molato. Le ga gole bjalo dihlabelo tša go fišwa di thomile mo pukung ya Lefitiko. Se ga se phoso. Dihlanelo tša

go fišwa e be e le mathomo a dihlabelo ka moka. Ka lebaka le mosong o mongwe le o mongwe dihlabelo di be di fišwa, di tlišwa pele mo tempeleng.

E be e le setlwaedi gore phoofolo ka moka e swanetše go fišwa mo aletareng. Mohlomongwe re re ka re: ba be ba senya! Ge o fiša kgomo ka moka, o loba nama yohle, yeo e ka bego a jewa! Empa re bala taelo mo temaneng ya 9: 'moperisita o tla e fiša ka moka mo aletareng.' Sešupo sa molaetša o ke gore: bobedi moperisita le yo a tlišitšego sehlabelo ba be lebeletše gore bo nneteng dilo ka moka ke tša Modimo. Lefase ka moka go akaretša motho le phoofolo ke tša gagwe. Bjale sešupo se se ra gore: bjale ka ge ke hlaba phoofolo ye, Modimo, ka tsela e tee ke tliša bophelo bja ka go wena. Gomme ke kgopela gore o ntshireletše gore ke se be wa go itshepa.

Bjalo ka barwa ba Eli, re bala ka bona mo pukung ya mathomo ya Samuele kgaolo ya bobedi. Bona, Hofni le Phinease, ba be ba sa latele ditaelo tša Modimo tša dihlabelo, ba ile ba thoma go tliša dihlabelo ka tsela ya bantle. O a tseba, balsiraele ka nako yeo e be e se bona fela bao ba tlišago dihlabelo. Bantle ka moka ba be ba tlišetša medimo ya bona dihlabelo. Le ga go le bjalo go be go na le phapang e kgolo thatathata ka tsela ya sehlabelo seo se fišwago. Bjalo ka ge ke boletše sehlabelo seo se fišwago, phoofolo e be e swanetše go fišwa ka moka. Motho a ka hlaloša go tšwa polelong ya seHebero. Sehlabelo se be sešupa gore phoofolo ka moka e fiswe mollong. Thathatata se e be e le taelo go tšwa go Modimo. Gobane kantle, bantle ba be ba hlaba diphoofolo go badimo. Ba be ba sa fiše phoofolo ka moka. Ba be ba fiša ditho tše dingwe tša phoofolo. Go bolela sešupo ba be ba fiša ditho tše di ša lewego ke batho. Bjalo ka digare tša phoofolo, maoto, hlogo bjalo le bjalo. Empa nama e nonnego ba be ba baetlogelela bona, bjale go montle a etla tempeleng ya modimo wa gagwe, go dira sehlabelo go be go se phapang e kgolo go swana le ge motho a bolaya kgomo ka gae gomme a eja. Le ge go le bjalo go be go na le phapang go ya ka mo Modimo a filego ditaelo tša sehlabelo sa go fišwa. Phoofolo ka moka e be e tsena mo mollong. Gomme kabelo ya moperisita ya mošomo wa gagwe e be e le letlalo la phoofolo. Ka ge re bala mo temaneng, moperisita o tla e fiša ka moka mo aletareng gomme se ke phapang e kgolo magareng ga motho wa ntle, le sehlabelo sa mo Beibeleng. Sehlabelo se hlaloša gore dilo ka moka ke tša Modimo le gore re itšhepetše mo go Modimo. Gomme mang le mang o a bego a sa latele ditaelo tša sehlabelo sa go fišwa o be a sa theetše Modimo. Bjalo ka barwa ba Eli Hofni le Phinease, bao ba sa tlišago dihlabelo go ya ka ditaelo. Re bala ka bona mo Lefitiko. Bjalo ka ge re bala mo 1 Samuele 2: 'Ba be ba ba sa obamele Modimo.' E be e le bona ge motho a tliša sehlabelo, ge nama e apeilwe mohlanka wa moperisita o be a tšea sehlabi ka letsogo la gagwe gomme a hlaba ka pitšeng gararo, gomme moperisita o be a tšea yeo e tšwago le sehlabi. Gomme yo a tlišitšego sehlabelo a bolela a re: Ga nama yeo e nonnego e fišwe pele gomme wena o tšee yeo o enyakago. Mohlanka o tla fetola a re: Aowa. E tliše go nna, ge o sa dire bjalo ke tla e tšea ka kgang. Baperisita ba ba be ba ekhumiša, ba be ba sa hlabele Morena go ya ka mo a laetšego. Ba be ba dira bjalo ka baperisita ba bantle, gomme ba dira dithiro tše setlwaedi. Ba se neele Modimo maphelo a bona.

Ka tsela e bohlokwa bja sehlabelo sa go fišwa se bohlokwa go rena lehono. Le ge e le gore ga re tliše dihlabelo tša go fiša diphoofolo, sešupo se se sa le bohlokwa: Tšea bophelo bja ka, Wena Modimo, ke bo neetše Wena fela! Tšea bophelo bja ka ka moka, Modimo, ke nyaka go go direla ka pelo ya ka yohle! Go ba mokriste ga se selo sa Sontaga fela. Nthuše, gore ke be mokriste wa maikemišetšo, go thoma Sontaga go fihla mokibelo, le beke yohle. Bjalo ka sehlabelo ka moka se be muši, se lebešitšwe go Modimo magodimong, pelo ya ka, bophelo bja ka bjohle, a e be monkgo o bose go Modimo.

Sehlabelo sa go fišwa e be e le maikano a bophelo bja molsiraele go Modimo. Bjalo ka ge Psalme ya 86:11 e bolela gore: 'mphe pelo e tee.' E sego bjalo ka batho bao ba ba sa itšhwarego mehleng ya Jesu, Jesu o ba kgalemile a re: batho ba ba ipolelela ka melomo, empa dipelo tša bona dikgole Yena (Mateo 15:8).

Go thoma ka matšatši a Jesu Kriste ga go sa na muši godimo ga tempele ya Jerusalema. Go tloga ka Pentekoste Modimo ga a sa tšenela ka moagong o. Bjale ka ge Testamenteng e mpsha e re ruta gore nna le wena, mang le mang yo a dumelago go Jesu Kriste ke tempele ya Moya o Mokgethwa. Seo se ra gore muši o swanetše go ba godimo ga maphelo a rena. Ga ke re muši o o bonagalago, o o tlišago ke mollo wa sehlabelo. Empa ke šupa muši go ya ka mo Beibele e re rutago ka gona: Thapelo ya modumedi ke sehlabelo, senyologa ka mehla bjalo ka monkgo o bose o thabišago Modimo. Bjalo ka ge ke boletše mathomong, se se ka se seke sa lebalwa. Le ge o le nageng e šele, mo o sa tšebego motho. Le gona mo o tlile go lemogwa gore o mokriste, le wena o tlile golemoga Bakriste ba bangwe, ka lebaka la muši. Gobane Bakriste ba rapela ka mehla, ba iša hlomphe le tebogo go Modimo, ba bolela gore dilo ka moka di swanetše yena, le gore mang le mang o itshepetše go yena.

Amene.